

建昌府志卷四十九

列女傳

南城

無成代終婦道也故賢淑稱女宗焉至所遭不幸或慷慨捐軀或完貞白首水霜皎映忍使其無傳於後乎旌典揚之簡冊書之聊慰貞魂於萬一耳其或未經題請現年守志悉以俟之異日茲未概登

喻克成妻

舒城王妃

朱孝女

朱貞女德貞

艾璋妻

寧顏孫妻

易泰妻

張孺文妻

江仕崇妻

稽顯妻

子備妻

甯復興妻

連忠信妻

何有隣女

甯善生妻

劉淳妻

李澄妻

文欽二妻

吳貞女

胡哀烈婦全姑

建昌府志

卷四十九

列女一

鄭道常妻

萬寬妻

何貞女奇臺

黃球妻

劉文英妻

黃繪妻

李欽三妻

張孝女壽姑

李滔妻

饒璋妻

黎濬妻

曾寅繼妻

胡源妻

龔節妻

樊節婦

熊獻吉妻

劉三善妻

范柳妻

李貞女銀瑛玉瑛

夏宥妻

吳繼宗妻
范炳妻

張梓妻

鄧仲驥繼妻

潘大鵬妻

曾文選妻

蕭殷梅妻

甯文輝妻

鄧鍊妾

潘元耀妻

張平子妻

范政妻

張世長妻

姚子文妻

饒貞甫妻

吳埏妻

鄭紹祿妻妾

夏大典妻

劉烈婦一貞烈女

蔡宗沈妻

李淑妻 貞烈女

盛鍾琦妻 蕭大生妻

顧烈婦 黃烈婦

黃貞烈女正姑

鄧復陽妻 女淑女德

黃季豹妻 張貞女賽姑

黃子芬妻 鄒于岸妻

邱維邠妻 王景烈妻

周維藩妻 危百琦妻

朱子哲妻 范以學妻

傅貞女鳳姑

梅國棟妻 王士鐸妻

周觀吉妻 易鴻岸妻

甯雲友妻 夏曦妻

吳崧妻 危禹仁妻

饒典妻 譚師孟妻

梅子元妻 王恕妻

艾荃妻 張玉投妻

余之崧妻 子文藻妻

范楊先妻 余洪妻

江宏甫妻 弟宣甫妻 子士華妻

陶度妻 傅鈞妻

建昌府志

卷四十九

列女一

高淮妻

梅溶妻

李標妻

黃登選妻

李國鼎妻

黃其芳妻

邱其望妻

游秉乾妻

周君任妻

劉良妻

邵曰鵬妻

胡文藻妻

王聖瑞妻

李杜吟妻

黃文樞妻

梅廷任妻

劉錫佩妻

陶應麟妻

吳之璜妻

施維棟妻

陶冶安妻

黃朝棟妻

胡君贊妻

歐陽仕駿妻

梅善卿妻

楊日蘓妻

鄧傲妻

潘來鳴妻

李占甲妻

羅良璧妻

李長寧妻

李貞女連姑

趙國楷妻

姚薰妻

楊炳妻

傅經邦妻

劉士定妻

建昌府志卷四十九

列女傳

南城

元

喻克成妻熊氏克成早卒熊始終不虧婦節至治間旌表建

坊其門

續文獻通考

明

益藩舒城懷莊王翊銀繼妃王氏王栻女也議聘未婚而翊

銀死女守貞以終敬王常遷為建坊旌之

縣志

朱孝女益宣王翊釗之七女也事母孝徹環瑱不嫁經四十

餘年日長齋持佛以祈母壽母病割股代刀圭以進母竟

愈定王由木其姪也疏於朝封貞孝郡主勅建坊加賜祿

建昌府志

卷四十九

列女一

三

米二百石

高志

宋氏名德貞益藩將軍朱存源女幼許聘王郎未及婚而王

郎逝德貞哭告父母請往弔許之既詣門號擗成服拜翁

姑請留侍養入王郎之房守節而終題請建坊

高志

艾璋妻吳氏夫亡哭其夫墓為之裂太守吳潤有詩謝士元

為節婦記

省志

甯顏孫妻危氏稟性貞潔夫亡時年二十七誓不二志翁姑

若子幼危勤紡績以資養翁姑歿營墓盡禮守節四十四

年而卒洪武二十四年旌表

續文獻通考

易泰妻程氏幼貞淑歸泰克盡婦道泰疾革晨昏顛以身代

既歿欲殉以子幼憐而止守節以終洪武二十五年

張孺文妻劉氏孺文逝氏年二十六嫺戚憐其子幼家貧勸

改適劉以不活為誓朝夕悲泣喪明事舅姑盡禮守節三

十餘年而卒正統三年旌表何文淵詩海水陰風日枯桑

歲晚時四序有推遷寸心無改移續文獻通考

江仕崇妻李氏夫亡年二十五誓不再適孝養翁姑舉動無

違禮守節四十四年成化元年有司具實以聞省志

稍顯妻周氏年二十八顯卒子偉尚幼或勸其他適即泣曰

苟如是何以見夫君於地下誓節五十二年子偉娶黃氏

生子福祖而備死黃如其姑以志自勵凡二十六年人稱

雙節有碑記省志

建昌府志

卷四十九

列女一

甯復與妻吳氏年二十一夫死遺孤本尚在襁褓氏孝養翁

姑得其歡撫遺孤成立守節二十一年正德志

連忠信妻劉氏劉仕和女年十八贅連忠信為壻生子先恭

方一歲忠信卒仕和論之曰吾以汝為嗣汝夫歿弱孤未

必成人爾圖之劉應曰天將福吾父耶未亡人之孤足承

祀也矢志不奪後先恭之後甚蕃劉七十七而終省志

何有隣妻符氏幼通女戒等書未嘗輕踰戶外父尚全擇婿

適有隣未二期夫卒生遺腹子清氏時年十九孝舅姑訓

飭其子凜然無霽容守節三十四年省志

譚善生妻鄧氏年二十五而夫卒遺孤四歲姑老孫仰事俯

育守節十八年而死正德志

劉淳妻周氏年十七歸淳二載夫喪誓守節越三年毋私聘南豐譚姓周聞之即夕沐浴具衣帶候家人卧自縊嘉靖志

李澄妻朱氏讀書識大義事繼姑單氏以孝稱夫病卒氏撫子案茹荼毒至矣單卒繼姑鄭敬事之如單案稍長口授

經史案豪於酒嘗自題門曰平生因酒病半世為貧忙氏見之署其左曰胡不節飲右曰莫如省事又作箴勸之曰

臨事而懼好謀而成當幾而斷居功而讓君子之終吉也輕事肆志疏慮寡猷蓄疑敗謀恃功專寵小人之賈禍也

里巷婦女之稍知禮者奉為女宗焉潛學稿文欽二妻羅氏欽二病篤家貧無子遺囑欲氏改適氏年二

十七誓以死殉夫死水漿不入口九月而卒正德志建昌府志 卷四十九 列女一 五

吳貞女幼守邱沈未婚而沈死守節以終建坊在二十三都通志李華妻胡氏名全姑胡世亨女及笄歸華華商於外姑易氏

淫日與惡少張柄十徐璉等通盛饒酣飲胡避別室貞白自誓又不顯言姑惡時時切諫易怒其異已痛笞逼之嫁

胡慟哭不行夜赴井鄰婦援之得不死易愈怒遂絕其飲食卧於床及夜沙壓而死之知縣曹達以其事白巡按王

鏞聞於上賜諡哀烈立廟祀之知耻編鄭道常妻藍氏歸道常甫三載道常客死南海櫬歸藍號泣

盡禮守節以終檢討嚴素志其墓杜庠詩結髮恨無天世

老矢心惟有月同孤省志 縣志

萬寬妻潘氏年二十餘而夫死孤子文勉生方踰月氏撫孤

孝事舅姑守節以終高志

何貞女名奇臺納馮時行聘時行病卒何年十四設容服喪

誓不他適毋諒其志遣歸明自是不復歸寧會毋歿何慟

曰未亡人忍死者懼傷母心耳母已矣奚以生為遂不食

死巡按趙耀題請旌表一統志知耻編

黃球妻羅氏球卒時羅年二十四事姑育孤守節以終高志

劉文英妻黃氏年廿而寡守節育孤三十餘年事聞旌表省志

黃繪妻饒氏事繼姑孝繪歿氏年二十七遺孤半歲亦卒富

人有欲娶之者饒引刀斷鬢鬢生復斷至死猶髮禿以誓

不二一統志知耻編

建昌府志 卷四十九 列女一

李欽三妻徐氏婚月餘而欽三死氏年十八夜赴水姑覺救

免他日歸寧母以富室之聘諷之徐不答悉取貲粧焚於

中堂求自盡乃止會族火家人走避徐閉戶待死須臾火

滅隔所居止一楹人以爲正氣之感年八十而卒黃廷知耻編

張孝女壽姑給事中張鳳翔女鳳翔病危壽姑年十五侍母

於燕痛父將終醫藥罔效即剖左股煎湯奉父啜之父稍

甦壽姑次日卒御史溫如璋疏請旌表豫章書

李滙妻黃氏年十九滙喪無子矢志自守容飾俱廢滙弟亦

喪遺孤隨母山嫁黃盡力贖歸存其祀縣令鄒某爲請旌

表年八十餘而卒省志兼採他志

饒璋妻傅氏璋卒傅年二十遺孤半歲姑泣告曰爾青春此

多病未足恃也傅嚙指瀝血誓終節子亦成立上德志
婦妻胡氏年二十一夫卒於逆旅氏不食七日不死毀容
茹素守節六十年郎中程燝撰柏操說省志

生員曾寅繼妻葉氏年二十六夫亡撫前室鄭氏子如已出
時有求婚者葉自刺左目以見志年八十七卒嘉靖丁巳

督學王宗沐旌其慈節省志

生員胡源妻上官氏幼孤字源後源家貧母欲寒盟氏不可

比歸執婦道姑疾病氏刲膊以進獲蘇踰年姑卒源無以
治喪氏典衣以葬時舅亦多病辛勤服侍年二十六而卒

郡邑官遣祭扁為貞孝教授張時宣為立傳嘉靖志

龔節妻章氏年十六歸龔未幾夫卒遺腹子曰餘慶姑以銀

建昌府志 卷四十九 列女一

錠十餘實白盤中執以探婦曰而欲他適耶願取此以終
餘年耶姑言未已氏擲盤於地曰所不與龔恪守者有如

此盤卒踐其言正德志

吳節婦鄧氏婺居時年纔踰二紀守節五十餘年而卒高志

生員熊獻吉妻王氏獻吉疾醫不效顧王曰爾少且無子奈
何婦誓以死獻吉卒王繼以殉先是獻吉疾劇王命作大

棺人莫喻其意至是果如所言時嘉靖三十五年也萬歷

二年勅建坊表之省志 縣志

生員劉三善妻胡氏少慧通內則年十八適三善甫再歲夫

病痢死胡伏屍欲殉父母屢救之遂將三善遺一褐衣膿
血沾汚者改以自服明不貳也舅姑強改適氏即沐浴更

一縫衣履自縊死建坊旌表太常卿王材為立傳

范柳妻王氏名靜新城王材女十四歲歸是歲舅卒

其喪明年而孀哀毀不食兄維熙往解曰立嗣子而子也

吾有女以為而子婦且有姑未可死乃勉起就食母疾

氏躬湯藥目不交睫蚊蟻膚弗恤母歿茹素以終

李氏貞女長名銀瑛次名玉瑛嘉靖辛酉避寇巖中見他婦

為寇所擄並赴塘水死

夏宥妻黃氏年十八宥卒撫遺腹子守節壽七十隆慶六年

郡守為立表貞碑又吳繼宗妻梅氏范炳妻張氏俱建坊

旌表

張梓妻王氏年十八夫死遺腹生子備家貧子死持不變媳

建昌府志

徐氏亦從姑守王年六十七卒知縣范涑表其門

生員鄧仲驥繼妻丁氏歸鄧未一月而仲驥卒丁哀毀守節

一口夢白衣婦人招以往自知死期沐浴更衣衣皆重複

縫衽不使斂者手親膚也既瞑復強視曰必葬吾於仲子

之旁臨川陳際泰為作墓志

濟大鵬妻吳氏年二十七而寡時翁已六十吳私賣已奩為

翁納妾生子如珪如璋選如珪生子六始以次子應龍承

繼大鵬吳青燈白幌垂五十載奉少室之姑望再傳之苑

卒如其志年七十六而終

曾文選妻陶氏舉人曾鏜曾祖母年二十三夫喪陶清苦堅

守撫孤成立子年逾四十小不得意必命跪受杖順承乃

悅家政嚴肅鄉里稱之縣志

生員蕭殷梅妻義門吳春梧女幼通內則孝經列女傳十七
歲于歸事姑以孝聞年二十四夫暴疾口不能言僅以目

屬三孤而卒氏一慟欲絕姑諭曰若忘而夫三屬目意乎
乃日約諸孤抄經書及長翁督課不懈長子韶食餽郡

耳次韻次饒登賢書一日姑病危氏焚青詞祈以身代所
司上其事歲給粟直指劉梧中表其門家傳

寧文輝妻鄧氏年二十二而寡一子甫八月氏撫孤事姑守
節六十五年而卒崇禎壬午知府龐承寵表其閭

太僕卿鄧鍊妻周氏年二十二鍊卒宗親疑其年少無子且
無寵又例室也稍諷之周謝曰此身去留不足為太僕重

建昌府志 卷四十九 列女一 九

獨不能為一身重乎守節三十九年而卒

潘元耀妻周氏年二十四而寡守節五十一而卒壽七十五
國朝

生員張平子妻夏氏夏調御女平子早逝夏矢志冰蘖乙酉

七月初一日夏年三十聞城圍急夏日事勢至此去將安

之乃引緘紉衣自領訖踵密不容間遂經於梁兵入見之

嘆息去因相戒毋入烈婦門越八日其子還解繫就殮面

目如生如耻編

范政妻吳氏乙酉七月朔為兵所執抱上馬力奮得脫赴池

死縣志

張世長妻袁氏乙酉兵至被執不屈震之以刃袁曰吾自分

一死豈以生為引頸就刃兵擲刀誘以美言表顏色愈罵不絕口遂遇害縣志

生員姚子文妻劉氏乙酉七月兵入郡城度不免簪珥盛飾同兩女赴井死長女時年十六黃采原聘也采為立傳是日有縣吏饒貞甫妻某氏亦盛飾投井死縣志

吳埏妻陶氏年甫三十順治乙酉遇兵攜子女逃入古廟兵至欲污之不從殺其子女陶罵不絕兵怒尸解之血流殿外閱半月兵退家人收瘞盛暑而尸不腐縣志

鄭紹祿妻徐氏乙酉七月朔兵入城徐謂妾曰我等義不受辱願爾何如妾領之遂俱赴水死縣志

夏大典妻黃氏年二十守節乙酉七月朔兵入城攜一女一

建昌府志

卷四十九

列女一

十

婢赴水死縣志

劉百戶二女居城南夏嶺年及笄兵以刃挾之不從並死之隣人李慶餘云二女及母死極慘烈縣志

生員蔡宗沈妻上官氏宗沈楚遊七月兵至城婦抱幼子赴郡學泮池死長子匿聖殿承塵中三日兵止子潛出視之屍浮如生兒尙在抱長子昇置池上走親故家求斂時官令聚眾屍焚之婦屍已同灰燼矣越歲宗沈歸痛悼不數

月卒縣志

李涑妻黃氏兵入室傾奩與之度不免抱幼子赴後園將入池涑急追之曰汝死當留我兒婦曰君老子在抱不能撫終死母以子故累君也竟投水一女及笄奔哭從死涑

止女曰不死何之力奮其手而死

縣志

盛鍾琦妻李氏夫歿哀毀自盡順治十二年旌表

一統志

蕭大生妻易氏丙戌正月兵踞其室與大生同匿夾樓中兵

覺而索之閉之一室兵他出婦曰我義不失節當自經汝

男子可速逃也引繩而上夫捐梯破壁去兵還見婦屍追

大生無及而去大生還婦懸梁次顏如生

縣志

第嶺顧老妻某氏丙戌十一月兵至懼不免遂赴水死

縣志

生員鄧某妻黃氏經歷黃秀甫女順治壬辰瀘寇竊發婦抱

子躍門前池中死浮屍水上兒猶在手人咸哀嘆

縣志

生員黃義甫女正姑壬辰遭瀘寇兩兄俱被刑拷死之女且

哭且罵曰兄遭此苦當為厲以報遂欲殺之女曰汝能殺

建昌府志

卷九

列女一

十一

我身不能禁我口也竟死之

縣志

生員鄧復陽妻明季縣君也壬辰遇瀘寇攜兩女匿草澤中

寇執婦鬪而死欲牽二女女出懷中書示之曰我大家子

各有耦豈從爾賤卒耶挾以刃踞地不起手足俱裂傷痕

遍體而死女一名淑一名德

縣志

黃季豹妻張氏豹歿遺二歲孤姑年已八十時順治壬辰瀘

寇竊發寇揮刃指張曰婦疾行老媪且免張厲聲曰姑在

我將安之詈賊甚賊以刀斷姑臂張亦觸刃而死

縣志

張貞女名賽姑張居易女許字王夢蘭未嫁夢蘭卒張赴弔

誓從王氏守貞奉姑勤紡績供甘旨年五十餘有司請建

坊旌表又立節孝碑於圭峯寺少詹梅之珩有序

一統志

黃子芬妻胡氏甲寅胡氏與夫子散失被兵執驅至廖坊死
之屍僵田間有陳時夏者自豫章還時聞土人云此婦被
戮時呼黃子芬不絕口兵脅以行婦固不從始殺之時夏
傳言於郡子芬率家衆就廖坊殯焉黃際飛爲立傳縣志
鄒于岸妻張氏適鄒十五年乙卯閩寇合室避松樹嶺寇追
至于岸抱子與張相失張懼不免走赴三都雙江口投水
死鄉人鄭景生救之不克趣報于岸時水漲沿江三日無
覓屍處都人士憐之于岸亦感其貞不復娶縣志
生員邱維邠妻黃氏新城黃君任女也康熙乙卯三月耿逆
兵敗城中士女奔竄黃走匿元妙觀中爲亂兵所執欲逼
之黃給曰彼間別有美婦可取也兵尾之行過厨次黃驀

建昌府志

卷四十九

列女一

十一

入井引出氣絕猶張目怒卒卒懼掘土墻覆之不數日卒
忽顛狂入井死亂定後邠求妻不得時有被獲放歸者歷
告以故越二旬從其處掘土得之面目如生昇葬於孫家
埧題曰黃烈婦墓乾隆二十年旌表縣志

貢生王景烈妻陶氏乙卯避寇源頭爲所掠比入城陶得聞
自經同里黃采爲詩輓之學使冀霖追旌其烈縣志

周維藩妻吳氏乙卯兵至氏與夫維藩子先洛被執至江省
駐高橋氏知難免曰吾未忍遽死以君在君去吾志決矣
藩欲挈之逃兵覺刀逐藩藩走氏出棄兒潛下樓投湖死
吳怒拽屍湖隈刃之子甫十齡識母死所兵退乞人掩土
內豎石爲記比長欲尋挖土人阻之雍正七年哭訴南凸

知縣鄭某從之入土三尺覆石如故暴得枯骸歸葬乾隆
十年旌表建坊縣志

生員危百琦妻李氏康熙乙卯歲遇兵氏抱弱子遁兵卒至
氏倉皇挾子投礦潭而死縣志

中尉朱子哲妻梅氏哲明季為光澤知縣盡瘁死後二十五
年耿逆之變梅為賊所執憤然曰此臂豈可汚耶起奪刃
自斷其臂而死

范以學妻羅氏遭姑喪羅與夫朝夕哀痛不十日而以學繼
卒無子氏被髮執杖俟蓋棺閉戶自經家人救之羅曰吾
何以生為絕粒七日而死縣志

傅貞女鳳姑幼字葉調元未嫁而調元客死楓歸傅泣告父
建昌府志 卷四十九 列女一 十三

母往弔痛夫無兄弟留養姑守節五十年始八十餘以壽
終康熙六十年旌表一統志

舉人梅國棟妻鄧氏幼淑慧能通曲禮女史諸書事舅姑孝
謹雍正甲辰國棟赴公車客死河南鄧聞訃呼搶不欲生
念夫喪未歸一子羸弱不能舉兩喪暫起食拮据迎夫柩

營葬畢作絕命詞暨遺囑累千言登樓自經殉焉一統志

王士鐸妻陶氏年二十九生四子事繼姑以孝聞夫疾服侍
不就寢者七十餘日及夫亡嘆曰夫所天何以坐為有叔
以奉姑吾從夫于地下耳自經死縣志

周觀吉妻謝氏年二十一夫歿撫二子辛勤致其成立年六
十知縣范長發扁其門雍正四年旌表省志

易鴻岸妻徐氏年二十三而寡事舅姑以孝聞姑早世舅後
客死闔地徐拮据歸其柩喪葬如禮撫遺腹子守志四十

四年雍正七年旌表一統志

齊雲文妻吳氏年二十一夫亡守節四十一年雍正八年旌

表省志

藍氏廣東歸善人南城夏曦客粵東時娶焉每寒暑手製衣

履郵寄翁姑曦歸省親卒藍守節歷三十三年雍正八年

旌表省志

吳崧妻羅氏年二十七夫亡家貧勤女工以養姑姑以壽終

營喪葬盡禮子夢桂雍正丙午鄉舉雍正八年旌表省志

危禹仁妻饒氏年二十五夫亡子甫週歲克撫成立雍正八

建昌府志

卷四十九

列女一

十四

年坊表年七十七卒省志

饒典妻梅氏年十九夫亡撫孤及孤夭猶撫兩孫苦節五十

二年雍正八年旌表一統志

譚師孟妻江氏年二十七而夫死江撫孤事舅姑以孝聞年

七十四而卒雍正八年旌表省志

生員梅子元妻丁氏明季遭亂子元父被執元奔救願以身

代受拷掠死丁年二十六哀毀不欲生其兄以撫孤勸之

亂平營針蒨易粟雜野菜食之子女飽而丁常枵然課二

子俱為諸生年八十二卒雍正九年旌表省志

王恕妻黃氏夫亡守節母憐其年少無出欲改適氏恨之數

十年不通行來茹荼集蓼撫繼承祧雍正九年坊表縣志

艾荃妻吳氏于歸後姑病數月未嘗就寢夫亡子復夭不烈
絕夫祀請族衆立繼教養成立雍正九年旌表縣志

張玉投妻傅氏名金姑年十九適玉投家貧翁姑相繼亡二
十二歲而夫死氏煢煢無子一身經紀數喪咸合於禮撫
姪爲繼守節三十六年雍正九年旌表縣志

余之敬妻甯氏年二十四之敬卒於南昌遺孤文藻甫六齡
邦治四齡甯拮据歸夫柩營墓如禮家貧誓不他適奉夫
一木主祭必慟哭養繼姑以孝謹著文藻少苦學得岐血
病年二十七復卒妻符氏年與夫齊夫亡亟欲身殉甯泣
諭之得不死後子廷相官信陽迎就養符以髦姑在堂留
養不肯舍姑媳相依人稱爲雙節孝云邦治癸巳舉人廷

建昌府志

卷四十九

列女一

五

相庚戌進士雍正十年旌表建坊乾隆元年以廷相秩俱
誥封宜人甯壽九十符壽七十一而終宜黃余棟爲之傳

縣志

范揚先妻王氏名珥姑年十九歸范二十三而夫歿撫孤守

節乾隆元年旌表

縣志

余淇妻錢氏名玉姑十九歲歸淇二十五而寡一子甫半週
女紅度日撫孤成立守節三十年乾隆元年坊表

縣志

江宏甫妻王氏年十六歸江明年宏甫得惡疾醫者謂引舌

舐癰乃就瘳王如言舐之八年如一日宏死無嗣誓不他

適十工以養姑明季旌表宏甫弟宜甫亦早世妻全氏年

二十餘撫孤守節與姆王氏同奉姑朝夕不怠宣甫子

華又夭死妻吳氏名美姑年二十九痛三代別無丁男兩
寡在堂無人侍奉且腹孕三月忍死以待分娩後生子矢
志不二勤紡績以奉孀姑乾隆元_年旌表卒年七十有七
世稱一門三節縣志

陶度妻高氏名秀姑年十七歸度越二載而夫亡奉寡姑供
餽豐潔守節五十一年乾隆二年旌表縣志

傅鈞妻崔氏名伶姑年十九歸鈞二十二而夫歿勤紡績事
舅姑撫叔子以繼守節五十餘年操作不倦乾隆二年建
坊旌表縣志

高淮妻王氏名起始年二十歸淮明年而夫故遺腹生子勤
紡績以供敬事孀姑孝養寡母苦節四十九年乾隆二年

建昌府志 卷四十九 列女一

旌表縣志

梅溶妻王氏名嘉姑年十九歸溶二十四夫亡矢志勤苦養

如歷五十四載乾隆二年旌表縣志

李標妻余氏名鳳姑年十七歸標二十而夫卒於粵樞歸力
營葬寡姑染疾十餘年日在床褥余服事未嘗少怠乾隆
二年旌表縣志

黃登選妻羅氏名節姑年十九歸登選二十一夫亡舅姑繼
逝羅辛勤拮据祭葬每春秋忌日必對位哭若初喪守節

五十五年乾隆二年旌表縣志

李國鼎妻王氏名秀姑年二十四夫亡子幼或勸其他適日
禽獸之行吾豈爲之守節二十六年乾隆二年坊表縣志

黃其芳妻李氏名有姑年十八歸其芳二十三而寡家貧事
姊姑一子復夭遺兩孫撫育成立乾隆三年旌表縣志

邱甘望妻傅氏名牽姑年十八歸邱五載夫亡傅以死殉姑
止之立繼以存夫後無何繼死復立一繼撫之成立乾隆

三年坊表縣志

游秉乾妻徐氏名銀姑年十八歸秉乾二十三而夫亡家貧
撫孤孀姑在堂相依為命甘旨無缺乾隆三年旌表縣志

周君任妻劉氏名鸞姑年二十歸周孝事舅姑二十六而夫

亡乾隆三年旌表縣志

劉民妻黃氏名繡姑年二十而歸民二十五夫歿遺二孤俱
在襁褓黃茶飲藥守節五十年乾隆四年旌表縣志

建昌府志

卷四十九

列女一

七

邵日鵬妻龔氏名八壽年十六歸邵僅兩載夫亡子廷芝生

纒兩月龔苦志撫孤守節六十餘年乾隆四年旌表縣志

胡文藻妻吳氏名六姑年十七歸文藻二十五而寡守節四

十六年乾隆四年旌表縣志

王聖瑞妻余氏名恭姑年十七于歸夫客死於閩時年二十

五聞訃哀慟幾絕與胞弟抱兩孤走閩扶襯歸成禮年六

十一卒乾隆四年坊表縣志

監生李杜吟妻王氏年二十六夫歿守節五十餘載乾隆五

年坊表縣志

黃文樞妻潘氏年十七歸黃二十五夫亡守節以終乾隆五

年坊表縣志

員梅廷任妻周氏名愛蓮幼貞淑通書史年二十二子歸甫四載而夫亡遺孤五月家難經起氏志堅金石感悟羣凶課子成名乾隆七年請旌建坊

劉錫珮妻陶氏年二十四而夫亡事姑撫繼子守節四十六年乾隆七年旌表

陶應麟妻倪氏年二十六夫死倪念姑老二子幼矢志撫孤姑卒喪葬盡禮守節五十餘年乾隆十一年旌表

吳之璜妻萬氏名科姑年二十八止生二女夫卒於贛萬扶柩歸成禮事翁姑撫繼子如所生乾隆十一年旌表

施維棟妻黃氏年十六歸棟二十而夫死無子有勸之醮者曰食貧守節何與爾事立繼以守苦節四十餘年乾隆十

建昌府志

卷四十九

列女一

六

二年旌表

陶治安妻劉氏名賽姑夫亡舅姑老遺腹生子守節以終乾隆十三年旌表

黃朝棟妻李氏名引姑年十七歸黃明年而夫亡氏苦節三十四年孝慈兼盡終身不與慶弔乾隆十三年旌表

胡君贊妻阮氏名秀姑年十七歸胡二十三生一子未踰月而夫歿孤已娶婦未幾復天撫一孫以事八十餘歲之姑

生養死葬盡禮守節三十九年乾隆十二年旌表

歐陽仕駿之妻崔氏年十九于歸支機佐讀未四週而夫歿止生二女繼一姪依孀姑為命守節數十餘年乾隆十四

年旌表

楊善卿妻羅氏名錦姑年二十歸善卿越七載夫亡守節
十年乾隆十四年坊表縣志

楊日蕪妻羅氏年二十歸楊氏二十二而寡生子五月期年
子復天撫姪夢龍繼嗣守節三十餘年乾隆十四年建坊

旌表縣志

鄧傲妻林氏歸傲六載而夫亡氏年二十四矢志不移奉姑
撫孤守節四十二年乾隆十四年旌表縣志

潘來鳴妻吳氏夫亡氏遺腹生男撫育成立姑病刲股以進
得延一年里中永壽橋將傾有丐婦陷於水急呼人救之

為給衣食以歸守節五十二年乾隆十六年坊表縣志

李占甲妻陶氏名桂年二十三歸占甲二載而寡陶以舅姑

建昌府志 卷四十九 列女一 十九

髦暨有遺腹勉自活越四月生子洪舅姑先後卒喪葬盡
禮子洪娶危氏又亡無子陶與媳相依現年六十乾隆二

十年旌表

羅良璧妻曾氏名蓮姑年十九歸良璧四載夫自遠歸丹屆
本郡染疾而卒曾聞訃奔視撫屍慟哭姑亦孀婦也子甫

二齡相依為命姑亡曾哭泣過甚越三月而目盲人稱節

孝守節三十四年而終壽五十有五乾隆二十年旌表

監生李長寧之妻羅氏夫死子在襁褓守節三十一年足不
踰閭親隣罕覩其面純孝奉姑一經課子里人欽之乾隆

二十三年題請旌表

李氏女名連弟父漢昇業醫遠出母黃卧病女躬親湯藥

